

Jekabaara



Boko 344 nan songo d. 60 • 2017 sun zuluyekaio

Cikela, mənikela ni baganmaral kunnafoniseben. A bə bə kalo o kalo
Jamana baarada la - Telefoni : 20 20 62 89 - BP : 204, Bamako (Mali)

Samipe fs
tamatisane ye
warisərəko dan
ye ne 2

“Djaniya numan ni kuma mugu in si te jamana nafa fo kelen : waleya” ! (Abudulayi Bari)

JEBILA

Don banni bə nka
jamana banniko te !

Jamana de ka bon nənw
bəe ye. Ko to jəgən ta la de
bə kaara bugu men si la. An
faso jəli mana ke an nin
kan cogo o cogo, ni bəe yā
sama i ka fan, fasojo be ke
fasoci ye. Nō kəra an ka
cesiri be ke sanji kərə wəsi
ye. Fasojo te ke məgo kelen
si ye, fasojo te don kelen ko
ye, waati la ko fana te. Si
mumé baara de don min te
ne an si kelen kə ! jamako
mana fo yərə min, dusu
mankan ka bila hakili ne
yen. An kàn faso Mali bila
ne, ka ko to jəgən ta la.
Don be ban, nka Jamana te
ban !

Səbennikela kulu

Karan : GDFOR II ye sefawari miliyon
185 don Karan jiriforo labenni na ne 4



Basiketi : Mali kunnawolo
la tun ! ne 10



Sariya : Kungosokow ni
donsoya ne 8-9

Jirituru baaraw
damineni : A te ne
je-ka-wuli kə ne 6

« Kalan be məgo sən hakili la, nka kunnafoni be məgo bə kunpan na ». (Yərə Ulen Sidibe)

Samiñe fe tamatisene ye warisoreko dan ye

Samiñe fe tamati seneni nogaonna wari-soreba ka dogon. A be dunkafa sabati ka wariko geleya furake yanni suman jalanw ka se.

Tamati ye nanfen ye min be don dumuni caman na. Tamati makadi tobilikew ye kosebe. Tamati be ke nan caman na i ko jabaji ni tegedegenan ani nuginan. Tamati be don dumuni ciman na i ko zame ni saladi, dendumuniw olu n'u nogaonna caman. Tamati nafa ka bon kosebe a dunbaga ma barisa a jeyoro ka bon tarikolo la kaneva sira fe.

Pepiniyeri be bin zenkalo la. Pepiniyeri baara kofe dugukolo be laben ka pilansiw dilan. Pilansiw be furake ku noga don, ku son yanni ka tamatisine turu. Ni tamatiforo den folo sera, tile saba o tile saba forotigi be tamatiden bo. Nin baara minnu kacogo n'u ketuma bee be sore seneko cakeda mogow bolo sigidaw bee la.

Tamati sore ka gelen samiñe fe. Tamati suguya bee te se ka sene samiñe fe bari. Tamati bee te se ka ne samiñe tuma fe. Samiñe waati tamati minnu be sore olu sogoona ka gelen wa tamati juman mom can. Walasa ka tamati soreli nogaña samiñe fe jinikew law ye samiñe fe tamatiw seneni sigi sen kan.

Nan ko an ka sore ka yiriwa an kan wasa don jinikew law ka ladilikanw na, samiñe fe tamati sene ye baara ye min be se ka jo nan ka wariko mago bee ye. Samiñe fe tamati be mo waati min na o ba sore suman koro bannan kuraw ma se folo. Tamati sore ba to an ko waati latema. A be dunkafa sabati ka sore yiriwa.


Samiñe fe tamati sene be damine samiñe don da fe.

Dajeli Damele

Kalo kumasen nana

« Sabali be i ko jiriba min diliw ka kunan, nka a denw ka di. O koro ye : ni maa min sabalila ka se to i bolo, i be o nafa sore sinin ». Kuma dowsow ko : dan te di ne la ni sabali te.

Idrisa Saako



Ba Isa Tarawele ye nakosenena San.



Aw ko kunnafo ni nafaman ni jemukan dumanw, aw y'aw sogo Arajo Jamanaw la

- Segu Arajo Jamana Foko : 108.6 Fipesuuru fe
- Kucala Arajo Jamana : 101.2 Fipesuuru fe
- Moti Arajo Jamana : 98.3 Fipesuuru fe
- Kulukoro Arajo Jamana : 103.9 Fipesuuru fe
- Njoro di Scheli Arajo Jamana : 101.2 Fipesuuru fe
- Jema Arajo Jamana : 97.3 Fipesuuru fe
- Narena Arajo Jamana : 97.0 Fipesuuru fe
- Tambukutu Arajo Jamana : 98.6 Fipesuuru fe
- Jane Arajo Jamana : 91.0 Fipesuuru fe
- Bamako Arajo Benkan : 97.1 Fipesuuru fe

JAMANA KONKOW

Mali sariyasunba kōnōko dōw yelemtali : sekili saba siri dabōra


Jama tilannen bē “Ayi” ni “Gwɔ” cē

Zuluyekalo tile 15 don, Bamako ni Malidugubaw dōw kōnō jekulu min sigira senkan nā yā jira ko a tē sōn jamana sariyasunba yelemtali ma, o ye bəlonw mine kā ka nisōngoya jira fanga la. « An tē a banna, maga kana ke nka sariyasunba la », o məgəw ba yirika de taamana Bamako ni jamana marabolo caman kōnō a sibiri don in na. Kumakan kelen de tun b'u da. « An tē sōn san 1992, feburuyekalo tile 25 sariyasunba talen yelemtali ma abada ».

Jekulu cēla, politikim-ogəw ni seko ni dōnko ni lafasatōnw ni Maliden caman tun bē yen, duləki bilenman ni fugulan bilenman tun b'u kunna.

Taama in damine na Bamakō meriba dala kā a kunce Burusiditarawayi la.

U ka dantigeli sēben kōnō, u ko jama hake min bōra, o bē se maa miliyōn kelen hake la, ko olu bē jereken de ko maga kana ke sariyasunba la. Ko sababu ke gelya caman minnu bē jamana kōnō bi, i nā fō kōrōnfé la bē cogo min na, ko halibi Mali jamana taa-masiyen foyi te Kidali mara kōnō ; ko banbagaciw ni binkannikela kelen don ka daga jugu sigi jamana cemance fana la. Kərenkerennen-yala Mōti ni Segu mara kōnō. U ka kumaw kōnō, u yā jira fana ko yelemtali donni sariyasunba la ko sariyasunba



Metiri Kasumu Tapo

yēre yā kōnā sariyasen 118 nan kōnō, ko : « Ni jamana fandē bē bolo la, nin lakanā sabatilen tē jamana kōnō, yelemani man kan ka do sariyasunba la ».

Ñaradabaaw ko lakanan ma sabati jama kōnō, ko məgəw bē ka nəgən faga Anefisi dugu kōnō, ko Mali sərədasiw bē ka daji janfan kələn kōnō, ko silameya dantemenwalew kēbaaw bē ka sariya boli məgəw kan, ko jamana yōrō dōw kōnō Perefe ni meri tē yen. Kā da o bē kan, « An tē a banna, maga kana ke ne ka sariyasunba la ». O məgəw ko fanga bē ka sariya səsə ni nin wale in ye.

Kā ta Kayi, ka se Kulikōrō, Segu ni Mōti fo Tumutu maaw bōra i ko kōnō kulu ka kangari galen da fanga ye a kana yelema

don sariyasunba la.

Hakili jiginna, ñaradabaaw ka depitew tun sera kurukənsisisənneli ma zuwənkalo tile 14 kā jira ko yelemtali in ye sariya səsəli de yē n ka o yā jira ko jamana tē bolo la min bā bali wote ka ke yōrō bē la.

O waati kelen na jekulu were min ko « An sənna yelemtali ma », olu fana ye lajereba ke Bamakō ka wele bila Malidenw ma, u ka sōn sariyasunba in yelemtali ma. Olu fe, lahidi minnu tara dijē maa ye Mali jamana ñemaaw fe, kōrōnfela kēle duganni kama, olu te se ka tiime ni maga ma ke sariyasunba la. U ko fana jamana ka here nā ka basigi tē sira sərō fewu ni yelema ma don sariyasunba la. « An sənna məgəw ko məgə

minnu bē kā fō ko yelema mankan ka don sariyasunba la, olu bē y'u hakililaw di a kan jamana sariyata bulon kōnō. Olu yēre fe, kōwəre bē nin ko in jukōrō min ma fō jamana kōnō denw ye. U yā jira fana ko jamana si te dijē kōnō ko gelya te min kōnō, ko gelya fana fura bē jamana kōnō denw de bolo. Ko yelema in kun dō ye ka fura sōrō o gelyaw la.

Bi, min bē se ka fō, o ye Malidenw tilalen don fan fila ni nəgən cē, minnu bē yelemtali fe ani minnu kali-kan ye ko a tē ke. Ni bē fe-la-ko ye Mali de ye, nəgən faamuya ni kumajnəgənya mankan ka dēsē foyi la.

Idirisa Saakō

Karan : GDFOR II ye sefawari miliyon 185 don

Karan jiriforo labenni na

GDFOR II n'a jenəgon Suwedi Jamana ye sefawari miliyon 185 ke ka Jiriforo tari 10 laben k'a di Karan komini ma, Kangaba serekili kono.



Karan jiriforo kurunbukarili

Jumadon zenkalo tile 9 san 2017 na to karankaw hakili la i ko kirisikan ka da jiriforo labennen ko juman sərəli kan, GDFOR II n'a jenəgon Suwedi jamana yò min d'u ma. Karan komini be Narena arəndisima fe Kangaba serekili kono.

Jama səbekəro bəra jiriforo kurunbukarili pana je la min jemaya tun sigida lakananni ni yiriwa siman minisiri Keyitala Ayida NBo ni Suwedi jamana lasigiden Ewa Emenuzi bolo. Suwedi jamana ka lasigidenso baarakela min ka baara je sinnen don kungo nafamafenw ni waati yelema ma Manbi Fofana o tun be kene kan, ka fara ji ni kungo jemayaoso Ensipeteri zenerali Mamadu Gaku na baarakejəgon dəw kan, ani GDFOR II jemaa-

ba ni GDFOR II baara bolo mögəw kan.

Sefawari miliyon 185 hake de donna karan jiriforo in baaraw la, o nafolo in na miliyon 15 ye dugokolo tari 10 sansəngə ye, o min kera dugu ka bəta ye, a be ben 8 ma keme sara la nafolo bakurunba kan. Forasi 8 ni siyato 8 be jiriforo in kənə minnu be lataama ni panosoleri 127 ye.

Karan méri Jibirili Keyita ka bisimila kuma na, a ye barikada Karankaw təgəla Mali gufereneman ni Suwedi jamana ye, kasərə ka lajnini damadəw ke. O lajniniw ye :

- Ka manan 1 ni manan 2 kungow yelema k'u ke kungo lakananew ye.
- Ka jiriforo ni kungo ninnu labaarakagaw kalan.
- Ka kungo lakananbagaw

ka daga sigi karan.

- Ka tari fila fara Jahorən jiriforo kan ləkəlidən w ka dumunikejərə musakako kama.
- Ka jiriforo labaarakali demə kə kələsi yanni a ka bə a

yere la.

Karan jiriforo in ya damana jiriforo ye ka da jiriw sənni fəre kan, nə be wele ko « toni-toni » faransi-kan na ko « le goutes à goutes ». O de la minisiri Keyitala Ayida NBo ka kunia na, a ya jira ko Karan jiriforo in jəgənna ka dəgen gufereneman ka baaraba kelenw hukumu kənə ka da labaarako juman nə minenw cogoya kan.

Suwedi lasigiden Ewa Emenuzi ya ka wasa jira jiriforo in baaraw waleyali la hali ni baaraw damineni gleyara, ko baara in tun te je sərə ni bee tun m'u sen doñ a la. Ewa Emenuzi nisənjara kosebe a kelen kə dən ko n'i ye jiriforo in nafabəbagaw sigi kene sara la 25 ye musow ye.

Kurunbukari jənajew kuncera ni finikənə tigeli ni jiriforo lajeli ani hakilina falen-falen tənsigi ni jiriforo nafabəbagaw ye.

**Dapeli Damele
Kabo GDFOR II
Kunnafoni bolofara yərə**



Karan jiriforo.

Kati : GDFOR II ye nəbə Nguraba ni Célé kominiw kənə

GDFOR II ka baara kelenw lajeli siŋe 5nan Suwedi jamana lasigidenso ni Ji ni kungo cake-da nəmaayaso fe kati sərikili kənə ; baaraw ye lajeliklaw ne fa.

GDFOR II ka baara kelenw lajeli siŋe 5nan in kera tarata zenkalo tile 20 ka se alamisa zenkalo tile 22 ma, Suwedi jamana lasigidenso ni Ji ni kungo cake-da nəmaayaso fe, Nguraba ni Célé kominiw kənə Kati sərikili la kulukorø mara la.

Baara kelenw lajeli in dab-ora walasa ka dø fara GDFOR II kuntilennaw sərəko numan kan.

Taama in nəmine na Ji ni kungo cake-da nəmaayaso Banba Keyita ni Suwedi jamana lasigidenso Mabi Fofana fe. GDFOR II baarakelaw ni Kayi ani Kulukorø Ji ni kungo cake-da nəmaabaw, GDFOR II nəmaaba ani Kati sərewusida nəmaa tun be taama in na.

Konikaw fe yen Nguraba komini kənə, taama kebagaw tar'u ne da Koni muso jekulu ka pilatiforimu ni nakəforo kan. Kensigakaw fe yen u tara musow ka kulukulu yanaw laje. Célé komini kənə taama sera Sikorø nakəforo la u nò nakəforø kələsili jekulu məgəw ye tənsigi ke.

Taama kuncera Tabakorø Kungo lakananbagaw ka kalanyorø la. Tənsigi kera ni yen kalanyorø nəməgəw ye, ka kalanyorø dilanen kuranin laje ani ka taama

in ko kumbabaw təmo.

Taama in ya to nəmaayaso fila ninnu ka GDFOR II ka baara kelenw dən Nguraba ni Célé kominiw kənə Kati sərikili la an ka bilasirali ke ka keŋe ni kuntilennalatigelenw ye. Nəməgəso ninnu baarakelaw ni dugu məgəw ka jekabaara ni bolodijəgən ma de kera sababu ye baara in ka ne sərə.

GDFOR II ka baara kelenw lajeli siŋe 5nan in sen fe taama kebagaw ye kələsili damadəw ke.

Magonyayorø ladonnen don kajə, məgə bee sen donneñ don o baaraw la.

Sigida kənə jekulu ka dən-niya ka dəgən sərə labaariali ni fərew nedənni na.

Demedontən ni ji ni kungo nəmaayaso sərewusidaw ka bilasirali baara fanga ka dəgən Kulukorø mara la.


Koni dilabaarabaw ye koperatifuko faamu kosebe, a kapi kō ladege yorø werew la.

Geleya be Koni pilatiforamu labaarali la.

Taamakelaw ye cikan minnu dantige, olu ye.

Ka sərə nedənbaga də bila ka taa teliya la Koni.

Ka kəniya ḷunun ni ḷunun



GDFOR II ka baaraw lajeli

faralama sifileñi laben.

ne.

Ka nəmaaya ko segesegeli ke Kensiga nakəforoko kan.

Ka musow deme u k' u ka musakaw koron.

Ka kensiga kulukulu yanaw dalalaw furan k' u je.

Ka jalakorø kungo labaara saratiw latilen k' a kungo kələsilaw ka peresidan falen.

Sikorøkaw fe yen :

Ka dø fara karaməgəw kan, k' a laje ka məgəw kalan k' a ne nəgə dilan cogo la.

Ka gafe ko bolo da walasa

ka kalan kelenw səben ani k' u jensen.

Dapeli Damek

Ka bə GDFORII kunnafoni bolofara yorø

U ko...

N'i ka jamana be hali ntolen de kunna, i kana joni, no te a bintə, a n'i ka jamana be be bin. Hali mögo min be na kofe o te se ka wuli tun....

Mahamadou Sunbunu ko Milimo kumana don ko

Roperi

Kele maji, kels de be maa kanaduléki bee fara fara, a te kura sora ka d'i ma. Fosi te ben bo.

Bala Musa njogolénbola

Sens de ye Mali yiriwali dusukun yere ye, ni cike yiriwara o ye Mali bee de yiriwalen ye. O kama gufereneman ka kan ka cikewalaw deme.

Bakari Togola Cikewalaw ka soba APCAM peresidan

N'i ye Fa muso ta kelen ye laada ye, i Fa ma dan muso kelen de ma. No te itena i Ba koni ta ko musoko dan ba yere ye.

Abdulai Arazaki Menta Arajo Bamakan jemaaba

Ala ba yere sago de la, no te n'i Ala tun ban sago la, ka be to kan pininka, mögo ba mögo la, Ala tun te son kulu faga fewu....

Ameyi Sunbunu jara Kumana

Fen min be se ka möga kunun, i kana son o nen ka da i fari la.

Tayiru Banbera Jeli jara Segu

Binjugu be saran senefenw ni njogon es cogoya minna, miitru ni fili jugu be hakili la o cogo kelen de la ko sababu ke kunnafoni tanya ye.

Mamadou Bakari Kulibeli Arajo Bamakan baarakala

Möga, i bee ko be maa min ye, i to cinnin to fa.

Farafina ntalen

Jirituru baaraw damineni : A te ne je-ka-wuli ko

Sigida nafamanfenw tijeniko jugu n'u silatumuni kumbenni te ne fo bee ka hakili soro.



Jirisipé folo turuli

Sigida lakananni ni yiriwa siman minisiri, Keyitala Ayida NBo ye jinan Jirituru baaraw daboli ke san 2017 zuluyekalo tile 22, Sebe kungolakanannen kono, Mande komini na. Gufereneman mögo caman tun ba kene kan.

Nin jirituru baara tako 23nan in sigira ni hakilina min ye ko « jirituw ban tanga, an ka jiritu mine ka ne ka sinijesi-gi sabati an bonsorw ye ». A bilara hukumu min kono o ye ko bee ka hakili soro ka kene ni sigida nafamanfenw tijeniko jugu kolo ye an ka soro ni maaya ani donko kan. O de kama politiki jemaaw ni lami ni lakanan jekulu ni jama bora ka caya jirituru in kene kan. Muso jekulu ni funanke jekulu caman ye njogon soro Sebe kungo lakanannen in kono. Olu ce la kungo lakananbaa musomanw ka jekulu ni zenisanburu interinasionali ani UEMOA funankew ka jekulu tun be yen.

Mali ye jamana ye taa ni ka segin ma njogon min kono, jamana fanba ye cencen ye. Jama caya ni bagan dumuniko

fanga boja ye dadigi ke kungo nafamanfenw na.

Olu kolo ye jirituw ni sogow silatununi ye, dugukolonon, cencen kuluw ni babolow datuguli cencen fe. Minisiri Keyitala Ayida NBo ka fo la, ko segesegeliw ya jira ko, jirituw be ka ban ko sabu ke jiritigeko jugu ni bagan dumuniko danteme ani kungo jeni ye. Olu minnu be wolo jiritu tari ba keme be tununi na san o san.

Nin jirituru baara min kera tari saba kan, o ye ne soro ka da minisiri Keyitala Ayida NBo ani tonjogon soko ni dugukolo komnisiri Mohamed Ali Bacili ka cesiri kan.


Jirituru baara in be nesin Mali mara bolo bee de ma. A be baara koremanw soro

lasago ani ka wuli-ka-jo ko fo ka nesin jakungo keleli ma. Bee de sen be baara in waleyali ka, fanga bolo, minisirisow, kominiw ani sosiye siwiliw.

Minisiri Keyitala Ayida NBo ko baara in kun ye ka Mali ka lähidü talen waleyali ka keje ni waati yelema kolo keleli ye. Jirisipé folo turuli. A ye hakili jigin ke ko tijé don jiri caman be Mali kono i ko jadasunw ni neresunw ni zirasunw olu n'u njogon caman... Nka mögöw yere de ka tijeni ni tijenikelaw demeni yero caman na, o de be ke ka ke sababu ye ka nafamanfenw silatun. K'a te ne fo bee ka to a hakili la ko jirituw ye Ala ka nema dilen ye min ka kan ka kato-to k'a lakanan an kéléw ye.

Mali jamana y'a kan di ka na waati yelema kolo maben ni jirituw ye. O sira fe jirituru bolo-dalen don tari ba 325 kan. Jiriw nuguli, cencen keleli ni kene lakanannen tari miliyon 9 sigili bò la.

**Dajeli Damele
Kalifa Jakite ka Sében, Ka
bo Kunnafo ni sében Esori kono**



Minisiri Keyitala Ayida NBo

Sakinda : Janto n yere la njögön te !



Fonfoni ye sajuguba ye

An bë samiye la sisan. O ye waati ye min banaw nà kasaaraw ka ca. Sumayabana, kònaboliba-na ni kinnifen misenma-ninw bôlen kò a la, samiye donba kasaara belebele dò ye sakinda ye jango an ka togodaw, ni sènèkèyòrò la ; o koson, janto n yere ka kan ka ke an bëe taama-njögön ye. Sa bëe te sa baga-ma ye, nkà ni mëgø min ka dënta bonya ma se saw suguyaw wolomali ma ka bë njögön na, o tigiw ka kan ka sa bëe jate bagama ye. Farati ma ji, bawo sakinda mëgø faga ka telin o nà degun jugu. Farafinna tile-binbolo fe, kerenkerenena la, Mali kònø, sa bagama-baw ye gorongo, fònfonni, belewoyo, dankalan ye. Samiye ni fonene waati de ye saw bugun waati ye. Tu kérélaw, wokolon, sumaya-ma yorò ni fenjemanaw bugunyòrò ye saw dagayorò ye. U bë sòrò jiribolow ni miñenkolow fana na. I nà fò bana caman, fura bë sakinda la. A bë sòrò an ka laadala furaw la, a tububa ta fana bë yen. Nka sakinda fura min lakodønn en kosebe o ye Piyerè Nuwari ye (kabafin). Ale bë bë Endu jamana la.

Farafina tilebin bolo fe, sakinda kasaara ka bon hali nò y'a sòrò, a kuma man ca. San o san, sakinda bë mëgø ba 25 fo ka se ba 30 de bònë a nin na. A taamasen fôlòw ye nènè, dimi karatata, jènamini-an dibi dønnin ye jë ka yeli la. Fôonè fana ye taamasiyen ninnu dò ye.

Fura bë sakinda la, nka sa mana mëgø kin, wale teliman dòw ka kan ka ke minnu bë ke demen belebele ye mëgø kinnen ma.

Wale fôlò ye hakilisigi ye. Ale nafa ka bon kosebe bawo hakilisigi de bâ to a tigi bë se ka sa suguya dòn. Tubabu furakeli hukumu kònø, o kunnafonin ye fënba ye. Wale filanan ye furakeli-yorò walima furabò-la segeseli ye sa ka kinin nögöni na.

Sakinda furakeli :

Sakinda fura bëbaga ka ca, wa a furakelikéfen ka ca

fana. O bëe nà ta, sakinda kòlòlò koson, mëgø si man-kan ka farati a fura ke waati bawo a bë se kà tigi bònë a nin na. O là, nafa walima tègø nata kama, mëgø si man kùn kà yere ke fura bëla, walima furatigi ye.

Sakinda fura fôlò ye janto n yere la ye. Kuma dongsow bâ fô ko n'i y'a men kà bònà kan, a sigira kan de ! Janto n yere la kofe ni sa ye mëgø min kin, o tigi ka sin sakinda furabòla, walima a furatigi lakodønn en ma, ni dögötöröso las-

oròli ka gelen.

Bana kunben ka fis-a bana fura ke ye.

Samiye waati in na, yere tanga walew de matarafali njögön te walasa kàn kisi sa ka kinnin ma.


Sènèkèyòrò la, coron jaaw donni senw na, o ye yere tanga wale belebele dò ye. O temennen kò, an kàn yere mine wow ni bintuw wolomali ma. Duw kònø, minnen kolonw tonni ma ni njögön kan. Sufè, ka yee-lén bila dukew na ani bondaw la.

Bakari Sangare


GAFEEEREYÒRÒ JAMANA

*Aw magone gafew sòròli kama aw y'a jigi ke
Gafefeereyòrò Jamana ye*

Duguma kalanje gafew



Kalanje gafew an ka kénw na



Sanfekalanso ka kalan ka gafew



GAFEEEREYÒRÒ JAMANA FILE BAMAKO JAMAKORÙ UNICEF
BAARADA MASURUNNA NI METERE 100 YE • TEL 20 20 62 89

Sariya : Kungosokow ni donsoya

Kungosoko ni donsoya labenni kama, jamana jeməgəw ye sariya ta.
Ko sariya № 31 n'a tara san 1995 mariskalo tile 20, o sariya in kono kow file nin ye.

SARIYA № 31nan min tara san 1995 mariskalo tile 20

Min be kungosogow n'u dagayorōw jənabəli jəsenw kan

Depitebulon y'a səgesəge ka bən a kan a ka laje senfə san 1995 feburuyekalō tile 17

Jamanakuntigi y'a bolili yamruya, nin y'a kənəkow ye.

TILAYORO FOLC : HAKILI-NABAW ANI KƏRÖKOW

Sariyasen 1 : sariya in be faso kungosogow n'u dagayorōw lasagoni, lakanani, dondalali ani tənəbəli taabolo dantige.

Sariyasen 2 nan : kene o kene lakananen don kungosow lamarali kama, o ye faso kungosogow ka kene ye. Kene lakananenw, faso ka kungosogo mara yərəw, kungosogow dagayorōw, kungo nafamafen kərenkerənnen sərə yərəw ani makonəfenw sərə yərəw minnu be lasago jəci də walima kungo yere dondalali kama.

Sariyasen 3 nan : sogo fen o fen be balo a yere ma kungo kənə o ye kungosogo ye.

Sariyasen 4 nan : donsoya be se kungosogo o sogo ma o be jate sogo fagata ye.

Sariyasen 5 nan : donsoya ye kungosogo jinini, nobəli, minəni, joginni, fagali, fan cəli walima kənəw ni duguma fen naga tijəni ye.

Sariyasen 6 nan : minəni ye kungosogow jənəma minəni walima k'u labo u dagayorōw la ka taga yərə were la.

Sariyasen 7 nan : donsoya kənnən ye donsoya ye min ma ke sariya kənə.

Sariyasen 8 nan : donso ye sogofagala ye min be sogo faga sariya hukumu kənə, ani a be sogow ni laadaw dən.

Sariyasen 9 nan : donsoya jəminebaga ye məgo ye walima jekulu ye kungo kənə bilasirali



yamaruyalən be min ye a yere walima jekulu təgə la sara la. A be se ka bila yere jənəjəs donsoya kelaw, kungo senna yala law walima kungosogow jata law ne.

Sariyasen 10 nan : nobəla ye məgo ye min be kungosogow n'u dagayorōw ani laadaw dən ani a be se ka kungosogow yeli nəgo ya.

Sariyasen 11 nan : jənjən ye, donsoya hukumu kənə, kungosogo fagalen kuturu walima a fan də ye.

Fen minnu be jate jənjən ye olu ye : jinw, gelew, kolow, gerew, faraw, səninw, ntərənw, wolow, siw, fanw, jolow ani sogo yərə fen o fen te toli, u keli n'u kebaliya fen were ye walima fen were la.

Sariyasen 12 nan : sogo o ye sogo kene walima maralen, ken ani joli ye.

Sariyasen 13 nan : bagan minənenw, sogo, fanw ani jənjənw olu be jate donsoya sərəfenw fe.

Sariyasen 14 nan : kungobaw olu ye kene kərenkerənen bilalənw ye a dama walasa kungo sərəfenw ka moyə u yere sagola wale were si te ke kene minnu kənə fo nə bəra kene yere ka jənəmaya sabatili walew la.

Sariyasen 15 nan : faso ka kungosogo mara yərəw ye kenew ye minnu bila kungosogow ni kungo jiriw nə fen jənəmaw lakanani, lamarali ani labuguni kama walima ka jirima yərə ni kalankə yərə lakana minnu nafə ka bon dəniya walima cejə siratigela.

Sariyasen 16 nan : kungosogow balo yərə ye kene bilalənw ye fenjənəmaw lamarali, labenni ani buguni kama an'u dagayorōw lakanani ni labenni kama.

Sariyasen 17 nan : kungo kərenkerənen walima dagayorōw ye kene bilalənw ye walasa kungosogow ni kungo kənə kənəw ni fenjənəmaw ani kungo sərəfenw minnu be ka silatumu kolu n'u dagayorōw lakana, u te balo yərə minnu kə.

Sariyasen 18 nan : fenjənəma balo yərə ye faso təgəla kene ye yərə min dantigera kə ke dijə foroba yərə ye ka da fenjənəmaw suguya, dugukolo kan fenw, dənko ani ko kərəw kan.

Sariyasen 19 nan : donsoya keyorō kərenkerənen ye kene labennen ye donsoya walew kama, jənəma minə, məni walima jədaamu yaala kama.

Sariyasen 20 nan : Yərə tənəbəta ye kene ye min tənəbəli se

dira məgo kelen walima jekulu ma min be wele donsoya jəminebaga, donsoya ke yərə, kungosogoman yərə walima kungo kərenkerənen kənə.

Sariyasen 21 nan : kene fila kubben kene ye yərə ye min danbəlen don jirimən yərə lakanani, dəniya jinini ani kungo sərəfenw nafabəli ko jəman kama.

Sariyasen 22 nan : kungosogow ka were ye kene kərenkerənen labennen ye kungosogo mara kama u jagoli hukumu kənə.

Sariyasen 23 nan : kungosogo muimə lakanannen ye kungosogo ye a kənnən don ka se min ma fo nə kəra jinini siraw ye.

Sariyasen 24 nan : kungosogo lakanannen hake la ye kungosogo ye sariya be min fagali sebekərə kələsi kə bere sigi, ale jinini nə fagali te ke yamruyəsəben kə.

Sariyasen 25 nan : sogo lakanannenbaliw ye kungosogow ye minnu ma ko fo sariyasen 23 nan ni 24 nan kənə.

O kungosogow ninnu be wele sogofataw ni sogofasəben ko donna u fagali la.

Sariyasen 26 nan : sanada ye kungosogow fagata walima minətə hake sanfə da ye sogofasəben be se ka min yamruya waati dantigelen kənə.

Sariyasen 27 nan : O be jate kungosogo siya kura ladonni ye wale o wale be tali ke kungosogo nali kan ka bə jamana kəkan ka nə bila a yere ma yərə la min tə balo yərə kərə ye.

TILAYORO SABANAN : KUNGOSOGOMAYORO LABAARALI

DANKUN FOLC : TAABOLOBAW

Sariyasen 28 nan : jamana kungosogomayoro ye :

Kene lakananenw : kungobaw, faso ka kungosogo mara yərəw, kungosogo balo yərəw, kungosogo dagayorōw, fenjənəma balo yərə ni donsoya kene labennen.

Yərə tənəbətaw

Kungosogow ka werew

Donsoyd ke yərəw

DAKUN II nan : BOLODACOGO

Sariyaset 29 nan : jamana kungosogomayərəw tila cogo ye :

Faso ka kungosogomayərəw

Sigida lakodənnənw ka kungosogomayərəw

Məgəw təgəla kungosogomayərəw

Sariyaset 30 nan : Faso ka kungosogomayərəw ye : kungobaw, faso ka kungosogo mara yərəw, kungosogo balo yərəw, kungosogo dagayərəw, fan nənəma balo yərəw, donsoyd kənə labənnən, yərə tənəbətaw, donsoyd keyərəw ani kungosogow ka werew nimoro sigira minnu na faso təgəla.

Sariyaset 31 nan : Sigida lakodənnənw ka kungosogomayərəw ye : donsoyd kənə labənnən, kungosogow ka werew ani yərə tənəbətaw minnu bilala u ka bolo kan ka keyə ni sariya kənəkow ye minnu bolili be senna.

Sariyaset 32 nan : Məgəw təgəla kungosogomayərəw ye : kungosogow ka werew ani yərə tənəbətaw minnu bilala u ka bolo kan ka keyə ni sariya kənəkow ye minnu bolili be senna.

Sariyaset 33 nan : jamana, sigida lakodənnənw ani keyəreyew bəs wajibiyalen ka feere bəs tige k'ü təgəla kungosogomayərəw lakana.

Sariyaset 34 nan : Yanni ka dugukolo ni ji wugubali damine, yanni ka farama yərəw ni dugujukərə nafolow bəli damine walima yanni ka siraw boli walima u latilenni walima yanni ka yərə jəli damine a wajibiyalen be a tigi kan :

Yamaruyadıw ka soro fələ fanga yamaruyalen fe

Ka lamini lakanani feere bəs tige ka keyə ni sariya kənəkow ye minnu bolili be senna.

Sariyaset 35nan : məgə o məgə walima jekulu o jekulu mana jinini baaraw, jəli walima təbəli baara ke kungosogomayərə la ci bə kan ka yərə lasegin a cogoya la walima ka nədilanni

baaraw ke yərə tige ye.

Sariyaset 36 nan : u nafa kəson dəniya m'soro ni adamadenya ni dənko siratige la kungosogow suguya dəw mume bə lakanan ani dəw bə lakanan hake la.

DAKUN FILANAN LAMARALI FEEREW

Bolofara 2 nan : kənə lakananenw

Sariyaset 37 nan : kungosogomayərə lamarali nā labənni kama, kənə lakananenw, kənə tənəbətaw ni kungosogow ka werew bə se ka dilan faso ka kungosogomayərə ni sigida lakodənnənw təgəla kungosogomayərə kənə.

Sariyaset 38 nan : kənə lakananen sigili nā wulili sariya bə ta guferənemənsariya fe min bə ta minisiriw ka laje senfe fo na kəre kungobaw, faso ka kungosogo mara yərə ni fan nənəma balo yərəw ye olu sigili nū wulili bə bə sariya yərə.

Sariyaset 39 nan : nin wale ninnu bəs kənənen don kungoba fən bəs fe, donsoyd walima məni, kungo nafabəli fan o fan, sənəke walima dugujukərə nafolo boli, bagangen, wugubali suguya bəs walima jinini, sugubali, banbalijo ni jəli suguya o suguya, baara fan o fan nō bə yərə cogoya yəlema, ji lanəgə fen o fen ani bakurunba la wale fan o fen bə kungosogomayərə ni kungosogo dagayərəw laminiw na.

Sariyaset 42 nan : wale minnu kənəna sariyaset 39 nan ni 40 nan kənə olu kənənen don faso ka kungosogo mara yərə fana kənə fo na kəra kungosogo mara yərə neməgəw ka lajini ye ka da mago gəleman dəw kan.

Sariyaset 43 nan : kungosogo balo yərəw kənə, donsoyd, fagali walima nənəma minəni kənənen don fo na ke kun ye labənni ye walasa ka kun lasərə minnu bə sariyaset 16 nan kənə, ani nā feerew tigerə kungosogo balo yərəw neməgə fe.

Sariyaset 44 nan : kungosogo minnu ko fəra farakan fələ kənə olu mumə lakananen don jamana fan bəe. O lakanan bə u nagaw nū fanw bəe kan. Olu tə se ka faga donsoyd hukumu kənə fo kungoko minisiri ka yamaruya kərenkerennen min dira ka da kungo cakedə neməgə ka hakilina dilen kan.

Sariyaset 45 nan : Guferənemənsariya min bə kungosogo dagayərə sigi o bə sarati kərenkerennen dəntige lakanan ni labənni kama.

Sariyaset 46 nan : donsoyd keyərə labənnənw bə se ka dilan kungobaw, faso ka kungosogo mara yərə, kungosogomayərə ni kungosogo dagayərəw laminiw na.

Bolofara 2 nan : donsoyd ke waatiw

Sariyaset 47 nan : san kənə kungo dayəli nā datuguli waati donsoyd kama o bə dəntige ni kungoko minisiri ka sariya talen ye.

Yamaruyadiw bə se ka sigi sen kan jila kənəfəgali kama ani məgəw nū bolofenw lakanan kama.

Sariyaset 48 nan : donsoyd hukumu kənə, jamana fan bəs walima jamana fan də fe kungo bə se ka datugu ka waatinin ke walima ka waati jan ke walima kungosogo suguya dəw fagali bə se ka dabila ka waatinin ke walima ka waati jan ke jamana fan bəs walima fan də la ni guferənemənsariya fe min bə ta minisiriw ka laje senfe.

Bolofara 3 nan : kungosogo lakananenw

Sariyaset 49 nan : nin kungosogo ninnu fan o fan fagali kənənen don .

Sogo muso lasiribato walima denbatigi

Sogodenw ni sogo gerenw minu m'u ba kundama tilancə sərə

Sariyaset 50 nan : kənə ni dugumafən lakananenw fanw təməni, tali ka taga yərə were la, fanw falenni an'u takanw n'u nagaw tijeni kənənen don fo ni kungo cakedə neməgə ka yamaruya.

Sariyaset 51 nan : kungosogo nənəma minəni kasorə a kun tə jagoli sira ye o tə ke kungo cakedə ka yamaruyasəben kə.

Sariyaset 52 nan : kungosogo minnu ko fəra farakan fələ kənə olu mumə lakananen don jamana fan bəe. O lakanan bə u nagaw nū fanw bəe kan. Olu tə se ka faga donsoyd hukumu kənə fo kungoko minisiri ka yamaruya kərenkerennen min dira ka da kungo cakedə neməgə ka hakilina dilen kan.

O yamaruya bə sərə ka da kərenkerennen kan minnu bə tolake sogo dəw siya kisili kan walima dəniyako kama walima məgəw nū bolofenw lakanan kama.

Sariyaset 53 nan : Donsoyd hukumu kənə, kungosogo minnu ko fəra nin sariya in farakan filanen kənə olu lakananen don hake la jamana fan bəe. Olu fagali walima nənəma minəni tə ke ka temə fagali ni minəni hake yamaruyalen kan min dəntigelen bə nin farakan in kənə.

Sariyaset 54 nan : ka da kungosogoko cakedə neməgə walima sigida lakodənnənw neməgə ka lajini kan minisiri sariya bə se ka ta ka feere dəw tige ka kungosogo siya dəw mumə lakanan walima k'ü lakanan hake la walima ka kungosogo siya dəw fara sariya in farakan 2 nan kungosogo dəntigelen kan yərə dəw kənə, waati dəntigelen kənə.

Aw bə tilayərə filanen tə sərə jekabaara nata kənə.

Daniel Daméle


Basiketi : Mali kunnawolo la tun !

Afiriki Jamanaw denmisénw ka ḥanaya ninini kene kan : Malidenw ye Kupuba yalon !



Mali kunnawolodenw, Farafina jamanaw

Farafina jamana 8 ye nəgən kùnben Feni, Morisi jamana Kənə, nəgəndan hukumu kənə bolola ntolafili la, min be wele ko Basiketi-boli. Jamanaw denmisénw minnu ma san 16 bə, olu filankurunw ka ḥana pini tun don. Ntolafili in cunceli la, Mali ni Misira jamanab (Egypte) y'u



*Zan kulodi Sidibe Mali
Basiketi-boli tənbə nəmaaba*

Alizeri jamana ye nəgəndan in joycə 3nan ta, a sera Tinizi jaman la 57 ni 54. Farafina jamana denmisénw minnu ma san 16 bə, olu ka Basiketi ḥanaya pini nəgəndan labannā jaabi min na o file : Mali, Misira (Egypte), Allzeri, Tinizi, Madagasikari, Uruwanda, Mozambik ani Morisi. Nin yan ka jamana sije fəlo ye ka nin filankurunw ka nəgəndan sebaya soro. Tənindon zuluye kalo

tile 24 Mali kunnawolodenw ni kupaba jiginna Bamako Modibo Keyita təgəla pankurun kene kan. Jama bərə k'ù kùnben ni dunun ni balaw ye. U yu kunda Paledesipori kan Anmudalayi kin na.

Denmisén ninnu ka degeli karamogo Umaru Balo k'ale wasa la k'ə sabu ke denmisénw yu yers di, k'ə Misiraka minnu tun yan ci yan Bamako an tarolu de dəre ka Kupuba ta. Mali Basiketi-boli tənbə nəmaaba Zan kulodi Sidibe ni Farikolo ḥanaje minisiri ka ciden ye denmisénw n'u degebagaw bəe fo Mali ka ni kunnawolo sərəli la.


Walejumandən foli ka kan ka ke Mali Basiketi-boli tənbə nəmaaba Zan kulodi Sidibe ye. Kabini a bila la Mali Basiketi-boli tənbə nəmaaya la, san o san kunnawolo de don. Ala k'ə kunkorəta cama də ni Mali ma.

Dajeli Damele


Mali ntolatantən ḥanajini kun fəlo



*Umaru Gindo degeli
karamogo labilalen.*



*Dugutigi Keyita degeli
karamogo kura*



*Pasikali Pon Ereyali degeli
karamogo labilalen*

Tənjanā pini ntolatanw (Sanpiyonna) ma janfa fəlo, ntolatantən nəmaaw ka ninsongoya kələbə sera degeli karamogo dəw ma. O b'a jira k'a fə ko ntolatantən cocaco nəgəyden ye, tonw bəe sebə be ḥanaya joyoro nəfə walasa ka farafinna ntolatanw kene lasoro. Pasikali pən k'ərə pinan ntolatan san degeli karamogo fəlo labilalen ye. Ale tun ye Ereyali ntolatantən degeli karamogo ye. Tənjanā pini ntolatan tile 14 nan temennen k'ə ; Ereyali tən nəmaaw ma wasa n'u ka degeli karamogo ka baara kelen ye.

O koson, u y'a labila. U ye wele bilo Musa Keyita ma. Musa Keyita n'a dənnən dən dugutigi la, te dunan ye Ereyali la. Ale de tun be Ereyali ntolatantən kunnā san 2009-2010. A k'ərə sababu ye ka Mali san biduurunan kupuba yalon ani ka Ereyali latilen degeli karamogo « Konti » labilalen k'ə fe.

Baara belebele de donna Musa Keyita bilo bawo Ereyali ntolatantən nəmaaw n'a kanubagaw jigi dalen b'a kan walasa a k'ù k'ə pinan ntolatan san minen jegen-nen latilen. ḥana joyoro de y'u ka

la pini bəe la belebele ye, ka Mali kupuba yalonni fara o k'ə kan. Pasikali labila waati y'a soro Ereyali be joyoro 6nan na ni kuru 23 ye. A ye sebaaya 7 soro, filanbin bin 2, dasiko 7.

Ka Ereyali to a bolo, Pasikali ye kuru 14 don, kuru 8 dom'a k'ən. A k'ə pinan baara kelen de ma Ereyali ntolatantən nəmaaw p'ə ta. O de koson, u y'a labila, Pasikali Pon bolen k'ə yen, degeli karamogo were fana labila la, n'o ye samatassege musoman ta ye.

Afiriki Muso ntolatantən ka kupu kene laban lasoroh a cerotige ntolatan lasoroh tun pinan don Umar Gindo fe. O sarati fabaliya de k'ərə samatassege musomanw ka degeli karamogo Umaru Gindo labila k'ən ye.

A tun, ma sigi ni labila in ye bawo, benkan də tun bə senna a ni nəmaaya jekulu ce Salumu Huseyini Mohamedi de bilala ale n'ona samata sege musonnaw kunnā yanni degeli karamogo kurako ka p'ənabo.

Nin b'a jira ko nətəko te tulon ye an ka ntolatantən k'ən. Nəmaaw bə k'ù jo u joyorw la bawo waati dəw temena na, degeli karamogo tun ye boli bilabali de ye maga te k'ə min na. Nin walew koson, məgo bə se k'a jiçiyi k'ə don nataw k'ən, cesiri bəna ke walasa k'ən ka ntolatantən k'ən taabolo werew falen walasa ka dankari ntolatan kanubaga ka dusu kasi ni ninsongoya la.

Bakary Sangare

Surukuba ni Bañagalen ka kōnō sogo ko

Nin don in, suruku ye kungo yaala je jugu, je numan, a je ma da sogo kan jango ka dō mine. Suruku dabali banna a ka nin don in garisige goya la. A kōnōna fililen ye cen da, walasa kā ko nejini. Cen ma kuma. Surukuba yā bolo bila kolonniw na. Olu ko t̄tewu. A ko a yere kōnō, ko bi te don gansa ye. Surukuba kōngatō yā ka sosira mine ni kōnōnafili ye. Surukuba taamana ka furancejan ke a bē kā nejima da sirada fe ka taa. Tuma min na new nana da kōnōn dō kaman karilen dalen kan sita-kere fe, a yā kanto a yere kōnō ko min ye. Bañagalen ka baw lasōrō sira sōrōlén ye.

Bañagalen tun ye musokōrōba ye min lakodōnnenn tun don a ka sigida nā lami ni bē kōnō kō sababu ke a farinya ko jugu ye. A tun te maka. A farinya ko jugu, a tun bōra jama ce la ka taa a sigi nā ka baw ye dugu kōfē. A te kun wara la kā jesin a ka baw mā jango suruku jitō. Nka o bē nā ta, fen kelen min tun ka galen Bañagalen ma o ye juru ye. A tun te sōn fiyewu mōgō ka juru ka to a la. Tuma min ni surukuba ye kōnōn dalen ye, a hakili jiginna Bañagalen ka juru mageleya la. Surukuba ye Bañagalen ka sosira mine nā ka kōnōn ye. A donna kā sōrō musokōrōba jie gannen don a ka suréfana ko la.

Surukuba ye foli ke, Bañagalen yā lamine.

Surukuba, e ne ka so

nin waati la, o ka di ?

– Baasi te. Ntamen tō de don n bē cisen fe, n tun bā fe ka nka kōnōnin to i fe yan walasa n senna ka teliya. Tuma min na Bañagalen ye kōnōnin mine, a yā ye ko kōnōnin cogoya ma jii. O la yā kanto surukuma ko :

– E ka kōnōn in cogo ma ne diya. N'i hakilina de yā lamarali ye, kōnōn in satō do koyi !

O tuma, yanni a ka jufa, i dum tā faga kā min jiran ka bila n je ! Surukuba yō ka ka Bañagalen jaabi.

O fora cogo min na o kera o cogo la. Surukuba ye kōnōnin tō lase. Ku si bō ka kōnōtōnw bō, ku to Bañagalen bolo kī kēdon.

Bañagalen ye Surukuba ka kōnōnin sogo jiran fo kā je. Kōnōnin sogo jiran ko numan ye musokōrōba mine lawuli. A ma ne min kō, o kera o ye. Bañagalen ye dōonin tige kōnōsogo la kō nēn. A ja kojugu a da, a ye dōonin wāre tige. Bañagalen tora nēnē la ka surukuba ka kōnō sogo ban tayi. A ye tasa lankolon ye tuma min, a yā dōn o yōrō de la kā ye kojugu ke. Nin waati bē kera ka surukuba dalen to bugu kōfē kā tulo ma da. Tuma min surukuba hakili latigera kā ka kōnōsogo dunna ka ban, a bolila ka taa yōrō jan, ka dōnkili da mine kā jesim Bañagalen bara ma.

... Kōnōnin kelen, ba kelen, kōnōnin kelen...ba kelen. Bañagalen kōnōna filibagatō yā tulo majō. Yōrō janya koson, a ma se ka surukuba ka dōnkili kōnō

kumaw faranfasiya. A mēnna tulo majō la fo ka kumakan minnu faamu.

... Kōnōnin kelen, ba kelen, kōnōnin kelen ba kelen... tuma min ni Surukuba sera Bañagalen kere fe, a dāla kuma fōlā kera.

– Bañagalen, na ni kōnō sogo nkī ninyōrō d'i ma ka taa nā tō yen ka denbaya la, su kora ka ban !

– Ndenke Surukuba, fō ni e kera yaafabaga ye. Ne kōni ye kōnōnin jiran nka nēnē ma kun a la koyi !

Ne yā kā kōnōnin dun.

Surukuba kabara. A ko eee Bañagalen, e mā dōn kī ye kojugu ke ! E ye ne jigi tige dērē. Nā yā sōrō i bē tulon de la min tulon suguya mandi ne ye fiyewu. Nka kōnōsogo labō ka di yan, n kōrōtēlēn don bōwo ntāyōrō ka jan, wa sira man jii. Nō yere dun yā sōrō tīnēna i ye nka kōnōsogo dun, ko geleya mandi ye, i bē ba kelen dōrōn di kō ka sara ye walima n ka kōnō.

Bañagalen ye dijē ma pumatō kan suguya bē dō fō, surukuba ma wuli ka bō a kan kan. Ba kelen... kōnōnin kelen.

Bañagalen kuma na... ka kuma. Surukuba ma taa, wa a ma taali fari yere da. A bē ka fō ko ba kelen... kōnōde-nin kelen... dōrōn. Fitri nana fa, Surukuba sigilen don du kēnē na kā je ben basulu ma. Bañagalen ko Surukuba ko :

– Ndenke, su kora, e kōni bā dōn ko kōnōpini tuma temen na taa so, sini, n bī kōnō pōgōn jini kā bila i ne yan.

Surukuba fora ka wuli, kī kanto :

– Ee Bañagalen, kā fo e na sōn ne ka nkō don n ka kōnōnin na ? O tuma, e ka lahidu tīgīya ni juru sara waaneya min mankutu bē dugu kōnō, o ye ngalon ye wa ?

– Ayi, o te ngalon ye. Ne bā lahidu tīmē wa mōgō si ka juru sarabali ma si ne na ?

– O, o tuma, n ka kōnōnin da ntēgē, walima ba kelen, tōgē tīnē je siran je fe, Bañagalen ye ba kelen labi-la Surukuba ve.

Surukuba yā kari kā don basulu dibima kōnō ka bō ni ba musokōrōba kelen ye ka juru bila o kan na kā ka sosira mine. Yanni a ka kō don Bañagalen na, a yā kantō ma ko :

– Ayiwa, n ye bi ba mine, nka sinin, nka na nka kōnōnin sōrō i bolo nō te, a bē kē gasi ye dērē !

Bañagalen bēna Surukuba daga bō da la cogodi ?

A tō bē bōko nata kōnō.

Bakary Sangare

Jekabaara

Labolikuntigi

Dapeli Damelé

Sebenkuntigi

Bakari Sangare

Sebenni kēlē kulu

Dapeli Damelé

Bakari Sangare

Idirisa Saké

Nataliye dilanbagā

Modibo Sidibé

Jaw

Haruna Tarawele

Labenbagaw oridinateri la

Fatumata Cero

Madamu Jakite Orokoya So

Seydi Dunbiya

Hake bata 500

BP : 2043 - Bamako

Tel : 20 20 62 89

BNDA

La banque à votre service

www.bnmal.com

*BNDA senke jama jenogon
folɔ musakako la*



**MALI JAMANA KA
TARAKITERI 1 000 SANNI**

- BNDA ye tarakiteri haka min musaka ba : 660
- Waribolen mumu : Sefawari 2 713 174 430